



Jumat Kamis, 19 November 2020

Ogen: Matius 5:13-16



Perbahanen si Erguna



Tep-tep jelma si nggeluh lit 3 hal siman bentasenna eme masa kini, masa lalu ras masasireh. I bas mentasisa la seri situasi siman bentasenta, la bali teptep musim ras perdalinen siman bentasen. Kerina banci jadi gegeh, pelajaran ras pengalamen si meherga man banta ibas mentasina. Bas hubungenta ras tep tep jelma pe beda siman alankenta tapi teptep kesempatan silit e si jadi proses kegeluhen subuk ibas ngalaken kesuksesen bagepe ibas ngalaken kegagalen. Masa lalu enggo sibentasi, adi lit pe pernah sinanami kegagalen tupung si enggo lewat jadi pelajaran si meherga man banta guna ngidah si terulin.

Sinanami kita genduari enda eme hadiah ibas Tuhan nari, hadiah si meherga sabab lit denga kita, janah banci sidalani ras mbue silakoken genduari tupung lit denga waktu ibereken Tuhan man banta, tupung kita megegeh ras energik denga sabab lit pagi paksana maka lanai kita megegeh, lanai banci sikaoken bagi sigenduari enda, emaka silakokenlah alu mehuli. Masa lalu si enggo si bentasi ras masa si reh si bakal si bentasi la banci jadi hadiahta man kalak sideban tapi masa genduari si nge jadi hadiah, bereken simehulina. Masa yang akan datang misteri denga si lenga sieteh kai si jadi pagin ibas kegeluhenta. Jadi masa genduari enda sisangana sibentasi e labo ngenca hadiah Dibata man banta tapi pe hadiahta man Dibata ras man kalak sideban sebab banci kita jadi pasu-pasu. Berelah dirinta sepenuhna man pasangenta, erbahan simehuli ula tanggungi alu bage kita desken sira ras terang si erguna ras ernanam man kalak sideban. Banci nerangi kalak si lit ibas kegelapen enda me si perlu sijadikan kegeluhen si jadi hadiah man kalak si deban. Janah perlu siinget kerina perbahanen si mehuli pasti erguna man kalak sideban.

